

泰西新史攬要

泰西新史攬要卷之十八

英國

馬西元本
李提摩大譯

蔡爾康芝緩述稿

國族

意大利國

中國官書
曰義國

第一節
羅馬國政
後情形

當中國炎漢之際，泰西有太國焉，合歐羅巴之南半洲，阿非利加之北半洲，亞細亞之西半洲，諸名國而成一鞏固之金甌，有衆五千四百萬。或謂是時中國民數已有五千九百萬，然考唐會要言曰：口小數一百九十萬，大數八百萬，以一家五口計之，大都在四千萬上下，民數必由少而多，以漢時之民數未必能與漢時而而上也。其都城在今意大利國之羅馬府，故即以羅馬名傳數百年，國分爲二，一有曰東羅馬者，建都於肯思丹，即今土耳其之都城也。羅馬之故國，自別而爲西羅馬，仍以羅馬爲都城，又越數百年，西羅馬恒遭歐洲北境游牧人之侵畧，按中國自秦漢而後，常爲匈奴所苦，即其種類也。甚至蹂躪都城，掠其府庫，古其沃壤，羅馬之勢已非昔比，且又有古托部落人、倫巴提部落人、法蘭克部

落人與法蘭西人種類相似日耳曼部落人或同種而異名或同名而異種此蓋

對北方匈奴夾厥等之不一其類也叠來紛至擾攘不已劫奪無休羅馬備受荼毒而無如

何有時民人聚斂金帛以飽其慾壑則竟滿載而去有時若輩不願得

金帛竟占其地而不去且敢妄立制度若為意大利之主也者按其時羅馬已改爲

意大利相沿四百年之久意大利之孱弱實有不可以言語形容者○中

國趙宋之初意大利始有生色凡昔遭他族盤踞之地不許意人築造

城隍者至是金城湯池控制周匝其扼塞處更多築堡壘以自固亦有

礮臺及鑄造軍械之廠於是城郭溝池以衛其內甲兵器械以威其外

昔日北寇朝發夕至如入無人之境者今意養精蓄銳不能任越雷池

一步矣○國勢既定戶口遂繁君民上下皆有富足之象至歷代以來

城外巨富之家往往恃其財勢虐待小民是以工作之輩或入城以避

之城中人願爲庇護富家亦無可如何積日累月聞風屬至城外則人煙寥落彌望荒涼富家見此情形不勝悔恨又念連阡累陌之田將成蔓草荒煙之域不得不降心相從願改從前欺侮之習於是工人雖仍有在城市間營生者然還鄉之人亦復不少而後有人耕綠野遂可仍詠千倉萬箱之句城鄉人皆蒸蒸日上矣○歐洲各國之人當時多未沾教化蠢拙之狀可笑可鄙惟意大利則自中國北宋太祖太宗朝而後聲明文物之盛歷三百餘年而弗替於是有糞田之法收穫倍盛於昔日農人衣食饒足遂無桀驁不馴之事而倫巴提及吐絲加泥兩省農人尤爲首屈一指是穠是藝是刈是穫萬國之力田者無不可則而效之至富室之居於城中者亦頗不少出其資本足以立入工程廠工作既盛百工亦安又其所織之綢殊覺精美且能收取廢爛之棉布等

類以造紙張，可爲天下無廢物之一證。又善於製造玻璃，卽取玻璃爲鏡，其雕刻之圖畫則更獨擅一時。此農與工之駸駸日進也。商人則不憚道途之修阻，過都越國，刻意經營。陸路則如東方亞洲之貨，能驅駝駝運行於沙漠之地，水路則由紅海至地中海，乘舟而至本國之飛泥雪海口。於是歐亞兩洲之貿易，大半在意商掌握之中，得利之厚，自不待言。遂統農工商三者而無不大富。是時也，歐洲各國有惑於猶太國之聖蹟，深恐爲回教中人所蹂躪。卽上文所謂寇之種類而各派重兵爲之力籌保衛者，乃回人佔踞猶太，不肯退讓。歐兵之攻之者，直相沿至二百年之久，始免兵革之禍。其間涉重跋巨浪，必藉船隻以資運送。飛泥雪海口之意商適承其乏，所獲各國兵餉之運費亦多至不可紀極。通計意大利之海口一曰飛泥雪，一曰披沙，一曰耕羅亞，合歐洲各海口

往來之船隻尚不能與之相埒。故此三海口者，幾獨攬歐洲商務之大權。亘古以來，未之有也。○是時英法二國雖已分建都城於倫敦巴黎兩府，但其城中大半草房土屋，甚至有鞠爲茂草者。惟意之房屋，則層樓聳翠，飛閣流丹。至今各國之人，尚有入羅馬以觀古蹟者，皆嘖嘖稱羨，不置橋梁之堅。他處亦無出其右。是時歐洲各國雖有絕大城市，而其路惟填土以通往來。意大利則有石路，其高出於各國之上者，不可以道里計。若論禮拜堂及宮殿之類，則雖以歐洲今日工程之精麗，亦莫能駕乎其上。其水道之通暢，亦復冠絕羣倫。雖以英國究心於運道，直至百年前，始克與之相並。其海口之碼頭，於堅緻之中，益之以華美。凡若此者，皆可見意人大小各工作，當時實有拔羣超凡之盛。而況乎猶不但此也。意之古畫雕圖，與夫金碧交輝之繡事，亦非他人能望。

其項背而人情世俗則又敦崇節儉其膽量甚壯其志願甚高其所定之律例則爲歐洲各國之所取法其一切學問與大裨益民生諸事則實足爲當日歐洲各國之師○意大利全國之中有民主之數小邦焉各擁兵衆以自強識者謂欲求長治久安未可得也小民主漸逼令本屬於意之大城以附於已積之日久其稍大者嚮其稍小者當時如飛泥雪、耕羅亞兩海口如迷蘭一城帕飛耶一小城皆已屬小民主之管轄於是分而爲民主之強國四更歷歲時四民主又互相嫉妬而致失和有時某城與某城齟齬累及民主亦不免有兵戎之禍且中國宋代之際教皇與歐洲之西帝互奪教權教皇謂吾有封授主教之權教權應屬於我西帝謂吾有御世之權教化亦應吾掌甚至用兵累載結成不解之仇意人有從西帝者亦有從教皇者齟齬之象朝不保暮○

若輩之職也。皆不能操必勝之券。徒以北方各國。產產良馬。而意大利則無有。故常見挫。旋設奇計。與畜馬之世家相聯絡。至中國元代之際。意大利朝廷。竟與諸世家訂立條約。及北人來侵擾。世家即出馬以助之。又就其所居之地。築一大墩臺。而募精兵以自守。既而積威所至。同權日重。嚴禁民人擅藏兵械。此實歐人仗權力以治國之濫觴。然意之朝權既盛。意之國勢即日衰。相沿至中國之明時。歐人初得繞道非洲。大張山。以通印度之捷徑。較之昔日海程。尤為穩速。東方諸貨。遂不必取道於意大利海口。意之商務亦敗。既有新望。而舊路前後四百年間。生歐洲之各國。就向歐。發售倫敦一地。遂為歐市。而利之極大。僑商。亦開。意士。新。則好望角。又屬近途。東方無數貨。易仍歸意大利之舊路矣。而意民。則以不能私蓄兵械之故。從前所謂膽大而志高者。漸變而心灰意懶。於是諸鄰國日肆覬覦。如日耳曼。如法蘭西。如西班牙。皆強逼意大利。

利割地以行成意大利全國既已淪爲血戰之場矣其北有瑞士國僻處於萬山之中而心斃意之平原沃衍其東又有突厥國本從亞洲竄擾至歐先踞東南方之一區乃亦欲得意以爲己有歐洲人無不畏之意雖備受凌逼皆袖手而不敢救自時厥後垂二百年意大利恒被外兵所踞此意大利至弱極衰毫無生色之重見者也夫意民素有膽畧而以不敢習戎器挫之素有志向又以不許抗國權抑之然則其衰且弱也意廷自取之也然意民當火熱水深之際雖不禁躍躍欲試又見他國皆倖然而興各成爲獨立之國亦未嘗不獨居深念以爲他日者我亦仍將爲獨立之國也

按前中國漢成帝元延年間歐洲生齒共二千三百萬合附註之

意人雖有此心而豈知助而成之者反在事奪八國之拿坡崙補拿破脫則出乎意計之外矣拿坡崙之越高山而入意境也初抵倫巴提全

省知已歸與人主政及至拿坡嶺學則有西班牙人儼然王其地矣又有數省地則屬於教皇而其蠶食所餘之地則又分爲民主之小國五更有數侯國屬雜其間拿坡嶺乃慨然長歎曰昔之意大利固歐西第一大國也且吾祖若宗之支派亦以分苗裔於是都今乃分崩離析至於此極吾獨何心能弗悲乎吾若知此威令大行之際合各小國而爲一大國俾得仍僭於歐洲自主名號之列吾願舉矣時移代易拿坡嶺已遭諸雄國放之於希利納海島然猶恒語人曰意大利雖四分五裂然其民言語同也文字同也風氣同也宣可任其不歸一主哉且余之初至意大利也事垂成矣與人之語倫巴提者逐而出之矣分據城邑之各小國盡滅之矣於是合意大利之六百萬人爲一國使意民得以自主或可告無罪於蒼乎然拿坡嶺利己之心固隨在而見也乘機割

其西半之撒郎省、耕羅亞海口、吐司干地方、並羅馬省等處之六百萬人、以隸於法、又使拿坡崙一帶地方之七百萬人民、別合而爲一國、惟一應制度爲之悉力改革、俾其民享自由自在之福、爲歷古之所未有、則拿坡崙之功也、拿坡崙又代爲地方新定律例、較意大利舊律、既明且公、并告之曰、異日者、朕必更取今時鼎立之勢、合三分而大一統也、意事至此、漸有不能不合之勢、而未知尙待備經艱險、始有轉機、天實爲之、非人力之所能強也、拿坡崙之敗也、列國會議於奧都、凡拿坡崙之安事更張者、宜一一如其舊、夫此事施之於他國、詎不謂然、乃混而概之於意大利、意民能甘之乎、然時勢所迫、不得不悅首聽命、信乎奧宰相沒透泥王爵之言也、曰、意大利之名、固自在也、然其國則何有哉、惟意民前承拿坡崙之力、由分而一合、至是豈能再受權勢之所束縛、

故皆動心忍性，堅其歷年來所掌自主之權，如其必不能得，則雖萬死而不辭，必不肯視息人間，再受在上者之暴虐矣。○當列國強弱割判之際，意民自困伏而不敢動，然私會已徧於國中，專講他日各地舉官及創立公議院，凡他國民人得受之大益，意人必將無不有之以成爲民主之國而後已。而各大埠讀書士子之入此會者，尤多於平民。南閱歲時入會者已多至七十萬人矣。會之尤大者曰本提利一千八百二十一年加本提利會，亦公泰教皇云：意會但願已與本提利會，不敢他上，然仍求准民公舉官吏，會同國家協辦有關於民之事，其前此之所生實由此輩故，命制約束之道餘力。○一千八百二十二年意會三十五年西班牙國大變制度，意大利人謂：彼會已至，今可顯我愛民之心而一洗昔者亂國之惡名矣。於是拿坡、薩丁尼亞、撒丁兩地皆揭竿而起。凡昔日會中之所議，如使意民各擅舉官之權，及創立議院與國家協辦事

務諸大端、坐而言者、今悉起而行、與俄普各國君王、驟得警報、皆未喻
意大利私會中人、保民之理、羌無自謬、反謂罪魁禍首、實惟若輩、遂徧
告於各國、欲以權力壓之、英國謂不見意人有乖違之處、不願與聞、法
國謂我國不助意民、亦不欲助意、而法國好新之官、見此情形、尙責
法廷不恃理而恃權之失、俄皇愛德、較與普兩國、見理畧明、謂我
輩向者、權勢太重、民間罔敢有違、今之意、大利可爲殷鑒、我輩亦日宜
寬待小民、方不致蹈其覆轍、惟事有宜分別觀之者、君王若允付小民
以何等之權、則係出自國恩、於理自無不合、若小民恃眾以強求、則亂
萌將自此而長、萬不可少從姑息、今意人之變制度、非出於君、而出於
民、亟宜以君之權勢遏之、庶免效力之禍、與俄普三國之君、立約云姑無論
國家無甚錯誤、即實有大過、不然
之處、亦尚不曉任民爲政、此係天經地義之常云云、於是奧國、卽舉兵入意、意民正力圖整頓之際、

決不料他國之忍以兵來代意主爭奪民權故毫不設備彼徒手之衆豈敢與大兵論長短惟有任列國之所欲仍以權勢相約束而已○自此以後歷二十五年之久意民皆安分守己不敢妄有所舉動一千八百一十年意民不服教其倫巴提及普爾天兩省俱爲奧人所轄一切悉照舊法無有能下懾民心者夫臨其上者既非本國之君一任異邦人憑權藉勢性所欲爲此意民之所最不服者也至王於拿坡蝶嶼者爲法國布爾奔王族之苗裔飛蝶南布爾奔歷代相沿之惡習飛蝶南毫不悛改故於意民之廣有財產者抽稅捐輸稍一抗違卽任意加以虐待教皇忽改一例卽學飛蝶南之所爲而又守歷代之謬法不顧教道其民謂民若不識不知自可惟在上之命是聽而民氣於以靜矣於是意人皆深不敢語或有挺身而出願作陳民間之疾苦者重則立正典刑其

第四編
千八百
四十八年
前形

詰者相率逃之他國以全其身者謂意人受制之深至於此極惟有
吞聲忍氣以聽在上者之毒害耳然他國之人業已日進於高明意
人固風興起自有不期然而然者皆謂吾君苛待我輩至此實太逾分
偏國又起私會即未敢訟言得失而皆知意國合而為一誠且替間事
也

一千八百四十八年道光二十八年法蘭西又大變制度意人方躍躍欲試忽
聞法人再逐其王奧京普京之法亦如銅山西崩洛鐘東應意人皆謂
時不可失萬不能再受欺凌矣是各會皆不約而同各就其地舉旗
而起其在逃之各會首亦皆自外言歸其避於倫敦之文人麥齊賦避
於萊退非禮耶之武員羅禮巴士素著重名彼此皆束裝回意意人恃
若長城眾心益固又有老將數輩皆白髮飄蕭避亂食貧於外者今亦

各整歸順其拔沙海口書院中之讀書士子今則兜鑿鏖仗踴躍行間其耕羅亞海口雷根地方之紳商亦共同心協力總之不論軍民文武惟望合全意而爲一拔釐卽盡捐財命亦所不辭人心若此故當時卽未能遽告成功而根基已定後日之大成肇於是時矣○意大利各處人之意見皆謂宜先逐去奧人然後公請意人爲全意之君庶幾名正則言自順也其時新教皇披霞第九初卽位畧有從民所欲之意爰有意人欲卽請教皇爲意君者說者謂披霞第九若眞俯順民心大約意大利全國之人無有不樂奉以爲君上者但教皇與其執事之大臣歷代自有成規萬不能讓民有一寸之權故雖有甘言以餌意民而仍與列國之君主志同道合合勢欲以權勢制服其民而後已意大利素稱有國練之義兵願助意民以逐奧人請於教皇已俯允矣一千八百四十八

道光二十八年四月二十九日、教皇忽下令撤回、又勸諭其所轄之民曰、凡與天爲仇之事、萬不可從、朕代上天教化下民、第一以教崇和睦爲主、歐洲各國、朕視之如一家、朕則爲一家之父也、兒女雍雍共敦友愛、朕自顧而色喜、豈可同室操戈、以得朕心等語、意民驟見之下、怒不可遏、蓋教皇自發此諭以後、意民雖崇奉天主教如故、而教皇之權、從此不能行一步矣、○意人所恃以爲足重者、僅薩諦尼亞王卡勒司亞伯一人、王之意曰、意民所執之理、正理也、余贊助之意、人大喜、遂追王率師以守倫巴提、所可惜者、王之才力聰明、皆無大過於人之處、其心又游移不定、故無論其治國、無論其治軍、總之未能勝任意民、徒以順我而戴之、其初至倫巴提也、發號施令、更足以博八之歡心、究之幹濟無才、終無不敗、意民無數之膏血、空塗於原野、而於事一無所成、一千八百

四十九年道光二十九年三月二十四日又大敗於怒發拉王於是知事不諧

教不能有益於意民即讓王位於其子而歸老於菟裘

一千八百四十九年道光二十九年二月初八日教皇所轄之民亦不服其約

更自立一民主之國教皇踉蹌遠遁至甘塔拿坡螺獅王先因避難

而避於甘塔教皇既至遂與同居旋又降旨云民人敢奪朕位實屬罪

大惡極民皆笑之以鼻而無有哀憐之者

所屬不料竟有甘心大助教皇者也一千八百四十八年道光二十八年十

二月二十日魯意拿坡帝已為法之皇帝攷其生平本非重道之人亦

非重傳道者之人至是聞教皇被逐勿鑒然曰教王共主也今為其民

所逐法若不速救與必先我而救之我豈堪坐失事機哉且各國從天

主教之民亦孔多矣我若助教皇以復其位不但異日有教皇感我之

恩而佑我教民亦必出死力以助我，是我一舉而收各國之民心也。職此之故，法皇雖非教中之信士，而乘此機會，作為尊崇道術也者，遂命伍廉率將軍、率師四萬五千人，使奉教皇復位。法皇語於人曰：此大用兵非朕本意，凡大臣之違見者，無不謂宜往，朕馬一行是強求。○法國本已改為民主，而逐故君，今法皇又欲

勸其民以助邦，使之不得成民主，似屬難於啟齒。乃法皇辨才無礙，先告羅馬人云：法兵之來，欲為汝靖亂而致太平也。汝輩雖逐去教皇，豈能久安？長治若能聽朕之訓，棄嫌怨而敦和睦，使汝等真有自主之權，豈非計出萬全乎？使者既去，法皇自以為得計。隱然有鯨食蓬萊以迎玉師之想。不料羅馬人反顏以向使者曰：我輩已有自主之權矣，安用汝等意？拿破崙越組而謀，請無辱施遣嘉禮。巴地率師拒之，一千八百四十九年。道光十九年五六月間，羅馬府防堵甚嚴，法兵不能入，然其始

第七路
喜富河原
小傳

不料法兵之猝至、故守其多所未足、七月二日、法兵竟破其城、立取各門之管鑰、盡交教皇執掌、教皇還回羅馬府、感激法皇無所不用其極、至其民之受屈與否、則不屑過問也。○意民遭此強暴、無可控訴、且法兵則駐於羅馬府、以保護教皇之位、意之北方又有奧國大兵壓境、意民益懼、於是各首領無奈再奔他國、其不及出奔者、則教皇以兵威拘之、或即加誅戮、或錮之於幽深之囹圄、第觀其外、意民決無來蘇之望、凡昔日之力能與君爭衡者、至此惟有俯首至地如奴僕之聽從其主而已。

意人民主之心、突遇法皇之摧抑、欲求寒極而春之境、幾乎渺不可追、而不知天已生一大救意人之奇杰、先伏處於偏隅也。意人有辦米祿第嘉富河者、世襲通侯、家承鉅富、意人仰其大名、本如泰山北斗、然其

儀表則既短且肥、初無奇偉之可觀也、而其首則極大、其眉目間則英
英露爽、一望而知爲有才之人、其言語則柔和宛轉、使人聽之忘倦、先
在薩諦尼亞國、意大利西境一海島也、議院中膺議員之選、旋游歷歐洲各國、推

究其政治之得失而一一印之於本國可法者安在、可戒者安在、及回
薩諦尼亞行年三十有人矣、則知平與國之大要有不可欠闕之事三、
凡民間舉入議院之官、國家有秘密事宜與之同心商辦一也、民間與
各國通商國家必許其任意經營、毫不加以禁阻二也、必使小民皆擅
自主之權三也、嘉富洱侯本此三者以冀意大利之蒸蒸日上、乃目擊
斯民困苦顛連之況、若已推而納諸溝中、哀矜惻怛之懷、無時或釋、遂
決計屏除一切世故、而專心致志於創設良法、俾意民永不受暴虐之
制度而卽合意而爲一故、當其弱冠之年、已慨然有輔相全意、獨膺重

任之想一千八百五十年道光三十年薩諦尼亞國請侯入政府遂爲薩相
通計嘉富洱侯於拜命之日起至廢職之日止舍拯救意民之外餘事
概不暇問所謂君子務其大者遠者嘉富洱侯有焉夫意民處水深火
熱之中匪伊朝夕哀號罔應呼籲無門而幸也天之不欲絕意人也生
一嘉富洱侯具大智慧通大經濟而付之以轉移全意之大神道故無
論意人苦至極處必有計到盡頭之一日也○一千八百四十八年道光十八年
二十意民大起而不能勝仍俯首而受君王之迫脅嘉富洱侯默計全
局謂若無外應之兵必不能登意民於衽席因念薩諦尼亞所轄之意
民僅四百萬耳而屬奧屬拿破崙屬教皇及屬諸侯之意民乃不下
二千萬薩諦尼亞已立議院准其民與國家協辦各事其餘分屬他人
者皆正與之相反我已不設法以強薩諦尼亞他人必將逼令改革同

歸於酷虐而後已。況意國區區而分四百萬人爲民主，二千萬人爲君主，既非體制所宜，故君主之欲戡除民主者，勢也；民主之欲戡除君主者，事有所不得已也。夫意人豈真無救之之策哉？一旦事機輻湊，運會乘除，我將投袂而起矣。

數年之前，薩諦尼亞曾與意大利失和，既而言歸於好，歐洲各國均謂：「葛爾一小國而舉措悉合機宜，心甚重之。」迨至英法二國助土耳其以敵俄羅斯之役，多以爲薩諦尼亞如風馬牛之不相及，大可袖手旁觀也。乃薩富耳侯沈幾觀變，蹶然而興曰：「意有積怒深怨於奧，今奧雖無與於戰事，然接累代以來之成例，凡關係歐洲大局之事，奧必與參末議，異日英法俄土議和之際，安知奧國不雜於珠槃玉敦之間，與人素蔑視我意，彼時有奧之權無意之分，薩諦尼亞禍將不測，是奧毋勝而

意再敗也。及今而圍之時哉。弗可失已。遂馳書於英法軍中。願以兵二萬五千助戰。英法二國大喜。況其時英國出兵太少。不敷調遣。忽得薩助。感佩益深。即致書薩廷。申明謝忱。并言貴國兵餉。如有不敷。悉惟英國糧臺供億。嘉富洱侯自顧體面。言願自備資糧。雇雇不勞英國代籌。遂出師至其所派之統帥亦頗有將才。英法兩軍尤深器之。○俄羅斯之數既平。意大利之基已定。會訂和局之際。薩諦尼亞固無所損。亦無所益。而其陰爲之地。大有造於意之全局者。則與英法二國之交。如膠漆之固也。嘉富洱侯之私衷。意大利國之苦趣。無不可傾肺腑而陳也。英國答之曰。侯之用意。至爲粹美。旋爲之妥籌良策。至求英助一臂之力。英尚未之許也。英雖未許。遣兵以助意人。而意人若再滋事。以開全國之合而爲一。則當知英人心甚喜之。一千八百五十九年。法皇特出奇計。將意大利改爲合眾國。持法皇之計。特成意大利之權勢。入於奧者。必將適半他日。英國宰相語及此事。自言是時。英意爭雄。埃倫之心計。真深沈而不可測也。英相帕

茂恩登則曰改意大利爲合眾國非意人之所願事必不行即使勉強行之亦終難於持久其時奧國又似欲逞其威力俾意之諸侯各復其位柏茂恩登又曰奧國自尼何等乃欲強而事奧今若再不悅以擾亂意之全局英願助法國以迄與使不能立足於意而後已於是法皇不敢強意爲合眾國奧皇亦不敢復意之諸侯是英之再救意也意人感激萬狀及薩維尼亞恢復拿坡嶼之後即以謝表致英廷

當時法皇曾意拿坡嶼之心計至深極大凡有能將順其意者即願助其力而取其利嘉賓洱侯知之即求法皇之助法皇一諾無辭遂與薩維尼亞國訂立條約約中之意法欲逐奧人之踞意者而取倫巴提斐耐天兩省地以歸於薩而薩則願舉一曰殺斐一曰泥司之地以奉於法一千八百五十九年咸豐九年正月朔各國派駐法都巴黎之諸使臣循例入宮賀歲魯意拿坡嶼依次致頌美之詞各如其人之分量諸使臣一一敬承及至奧使之前忽慨然曰朕與奧皇甚敦友誼乃法奧邦交微有不如意之處是可惜也衆人聞之無不愕然謂似此朝賀大典躬

唐皇位者忽降微訓實爲從來罕有之事豈意得拿坡崙欲救拿坡崙
補拿坡崙之故智歟猶憶一千八百三年八月拿坡崙第一曾向英國
使臣重責英過其時各國使臣亦在座中無不相顧昨舌謂戰禍之起
卽在日暮間耳今拿坡崙第二之向與使指詞雖較爲宛轉然與法意
三國業已入備戰事突於元旦令節顯示其機則相見以戎衣亦指顧
間事矣英廷聞之乃先力勸奧皇毋啟兵衅於薩諦尼亞如必以忠言
爲逆耳則禍不旋踵恐追悔而末由也奧皇不聽一千八百五十九年
九月四月二十八日奧兵闖入薩諦尼亞境而占其地法皇聞報命將
出師星馳至薩○果也奧兵之入薩境奧廷失計之甚者也奧兵之遇
法兵者無不望風鼠竄六月初四日戰於馬進塔奧兵大敗幾至不可
收拾六月二十五日戰於鎮弗麗珊奧兵又幾至全軍覆沒事後檢

點殘軍、几被殺被傷被掠者、多至三萬名、說者謂法兵之遇奧兵、如虎入羊羣、恣意殘嚼、無有敢磨其爪牙者、況又有薩諦尼亞之主軍台而驅奧以出、意境直反手之易耳、豈知六月二十五日、法軍大勝而後、歷旬有五、日之久、毫無動靜、薩人咸竊竊然疑之、咸謂法人若再助薩以一戰、當可滅奧之跡、掃奧之塵、而豈料法皇之為德不卒、竟有出人意計之外者、七月初六日、謠言忽起、有人言、親見法官一員、乘車至飛露惱、入奧皇之行宮、薩人尙未之信、初七日、又有人言、昨日所見之法官、今又親見其出自奧營、即赴法皇之行宮、立刻求見、則事已信而有徵矣、旋據諜報、始知法皇實遣人見奧皇、問其敢再戰與否、如不欲戰、我法亦不肯迫人於危地、奧皇即謂願求罷戰、是則法奧講和之期、當必不遠矣、○意人驟聞此消息、皆謂人之無量、至於此極、一時名怒不可

遇但知法皇之責意以維奧而忘法皇之尚意以敗奧也然強弱之勢
相去懸殊及至法奧之約既立薩諦尼亞不得不盡諾於約尾惟嘉富
洱侯則曰使我掛冠歸里則可使我盡揮行成則不可○和局既定奧
以挫敗之餘勢難再踴上游固願以倫巴提一省及其民三百萬盡歸
於薩諦尼亞惟意謝天一省有衆二百五十萬人仍隸於奧地利阿此
七月十一日事也斯時也意大利羣小國中有曰吐絲加泥者有曰怕
兒馬者有曰模路者其民以業已起事不願再受諸侯舊日之虐待又
有素屬於教皇之人亦相率建旗起義不服教皇之約束雖法人所定
之和約中有一切仍率舊章之語而羣輩皆甘就斧鑕不甘再受範圍
法人雖恨薩都雖有成言亦不敢以威權相迫脅遂於一千八百六十
年咸豐十年二月間改訂新章畧謂意民若願如曠載之服屬固屬大妙如

其必不能從、則任其自便可也。意民數百餘萬、眾異口同聲、皆曰願改
隸於薩諦尼亞、決不願仍隸教皇。及吐絲加泥、怕馬兒、摸路也、於是薩
諦尼亞戰事、不過三閱月、而所隸之民、驟增至九百萬。豈非法人之助、
何以得此。然而意人念法之恩者、絕無、而僅有怒法之詐者。日積而月
深、嘉禮巴地將軍號於眾曰、法皇既失信於其民、而奪其權、我外國也、
不能倚以爲長城、亦固其所。而且意人又知法之助意、非出於真心也、
不過欲得殺斐及泥司之地、爲法之屬邑、以遂其私意而已。且殺斐與
泥司、固以明薩諦尼亞之所屬也。一旦割而歸諸法、薩人豈肯甘心嘉
禮巴地將軍、藉隸泥司、忽聞法人欲踞其地、心更不服。謂其政府曰、諸
公以祖宗傳留之地、拱手而讓之他人、當必別有妙算。然猶不念本將
軍、竟爲國外之人乎。其意以法人懷挾私意、不認殺斐等兩地爲法屬、英相帕
萊思登堂言曰、法皇屬意無割地之心、英之不肯認者一

也。法皇又曾許其臣請事，今皆如其非出於誠心，英之不肯認者二也。英豈能謂法
古人之地，故然與相鄰有此言，其實被妻地方人皆操法語，又多與法人同族，此司
地方人豈無殺妻人，再據法語之謂然，亦多與法人有交誼，故殺妻罷司內地之
人願與法合而爲一國者，幾於十人，而九諸諸尼亞國無如之何，英更無如之何。○
法皇助意以戰奧時，曾言將合意大利之全地而爲一，今乃自食其言，
亦宜聲明情實，使人不得議其後，乃宣言曰：意大利良民之所盼者，蓋
合而成一大國也。苟不能成，自不能釋然於心。朕今未改初衷，仍願由
分而終合也。但朕欲顧意國之事，而置本國之禍於腦後，此實天下必
無之事，萬不得已而姑合意以全法，耿耿此心，猶冀意人之曲諒，則補
過之日長矣。法皇之言如此，默揣其意，蓋法皇若還奧不留餘地，歐洲
各國必有持其短長者，而且日耳曼全部時正在蘭因河畔，亦將有事。
故法皇之所謂不得已者，真有所不得已也。況其助意之力已非淺鮮，
意人欲了餘事，雖無法人之助，久而久之自可如破竹之勢，數節之後。

迎刃而解矣

法奧講和之際，拿坡螺螄海口，有丁口九百萬，法國布爾奔王族中人，爲其王亦專以權勢治民，苛刻不可言狀，拿坡螺螄人，質性本極聰敏，姿稟又極馴良，假如有善法以爲制度，其興也溥焉，所惜者數百年以來，國弊甚深，國法甚猛，而其王又不以教民爲事，民遂習於嬾情，其併又多崇信鬼神，而不能辨事之善惡，各州縣乞食貧民，彌望皆是，入其途者，欲投逆旅，以求棲止，但見門前階下，髯者醫者，各種殘疾者，或坐或立，或臥或倚，排列兩行，已足令人憎厭，入廂以後，推窓憑眺，又見鵠形鵠面，無衣無袴，身染瘡疥之毒者，仰手向客，作求食勢，問其致貧之故，則一半實緣於貪懶，故願以乞丐爲業，而不願作苦以營生也，其有長住廟中而不出者，亦皆求人之布施，謂願代人超度靈魂，於是滿地

皆叫化神甫又有住廟之教會叩其業產每年約可收英金一千萬鎊之多若使善爲經理當必不止於是者其民又到處樂聽神甫之語感潤終身而不悔神甫又偏不肯教人謂百姓若能通交靈而知事理則將熟悉平各國之制度而不肯泯泯汶汶忍受在上者之暴虐也吁其酷哉○是時之王於拿坡螺螄者曰飛螄南第二暴虐其民尤甚於先世而國祚即傾於其手此殆如夏殷之桀紂千萬世所引爲炯戒者也故不但拿坡螺螄之民疾首蹙額有時日曷喪予及女偕亡之語甚至歐洲各國亦復憎之惡之不齒於國類一千八百五十一年咸豐元年英國名士卽後爲名相之杞辣士端游歷至此知拿坡螺螄民之疾視其上也因而偵訪飛螄南第二之虐政就著一書郵呈英國上議院大臣雅白頓侯爲言拿坡螺螄人之不服其王者約有二萬人左右大都禁

諸狂狷之中若使詳加鞫問實屬並無罪狀亦不能定其罪名其所以拘之者不過以其不服虐政耳於是有無數良民與實係犯罪之下流種子同禁一牢且鎖錮頻年從未提訊一次獄中之各廂室既暗且悶毫無透開清氣之處人數又擁擠不堪飢饉醜態非可言喻更有矮屋如鱗人入其中偶欲植立即有打頭之苦及至染病縱不避污穢之醫士亦且不肯入診往往喚令病囚匍匐至監門左側始給以藥其謫所兩牢頭禁子者又恒以刑具刁難各犯而乘機以竊取其利當問刑衙門提犯到案時亦或語以秉公辦理云云而其大害之處則在有其名而無其實凡人既入囹圄而得邀省釋者必其與官更有私情者也不則殆矣此書既出各國之憎惡拿坡蠅蠅者更甚於前皆曰若此之人豈能任其有治國之權而使無辜赤子日罹於羅網之中哉考當時各

第十一竹
嘉利巴地
將入字
被毀境

國亂萌將起之際，必有數友邦出死力以助之，或以空文代解其圍，獨至拿坡螺螄，則天怒人怨，無一國願助一臂者。且英相帕茂思登，又取杞辣士端所著之書，壽諸梨棗。凡英國遣往他國之使署中，各存一冊，以暴拿坡螺螄慘酷之罪。拿坡螺螄王既見此書，知將大不利於己，急命其國中知名之士，速著一書，以駁杞辣士端之謬。乃杞辣士端即就其書中之語，更作一論，畧謂拿坡螺螄已自承某某等事，即為暴虐之確證，可知鄰人之書，非虛語也。

意國之北，既得法皇之援，薩諦尼亞國頓改舊規。意國之南，聞此消息，飲慕蹙蹙，不能自己。細細哩海島，亦在意南，考其疆宇，約長英程二百里，約合華程一百里，約合華程一千八百六十年五月五日，島中人相率叛其主，推嘉禮巴地將軍為政，一鼓而從之者二千人。

皆昔年隸其麾下之勇士自耕羅亞海口乘舟而至島者也嘉禮巴地謀欲乘此機會合意大利全部而爲一其軍中之口號曰意大利國肥土愛滿月薩諦尼亞國聞之謂我與意大利本屬同心之友國今叛者卽用意大利之名以爲口號未免左右爲難時則嘉富河侯已承薩君之教請重爲薩諦尼亞大臣當會議此事之際因言生平筮仕以來盤根錯節備歷艱難願未有如此事之棘手者我若助拿坡蝶嶺之民必先商諸法國俟其允許與否然後可以定進止乃北半國之民則知南半國受苦太深必欲我幫助其民以抗其君不必問諸他國然則我其何適而可哉薩廷旋宣言曰嘉禮巴地一切舉動初非我國之所命也然於嘉禮巴地初無貶詞且爲之代白苦衷於他國一千八百六十年咸豐七月二十七日薩諦尼亞王親致手書於嘉禮巴地勸以不可輕

舉妄動嘉禮巴地答書甚詳其中自陳忠悃且言臣本無圖南之意乃拿坡螺螄之民力請南行臣又嘗剴切勸諭不可干名犯分而拿民不聽今臣仰求王恩無以臣爲罪書奏薩王亦無如之何乃爲時未久意南之民盡樂隨嘉禮巴地而起且彼此毫無疑忌於是嘉富洱侯撒拜而笑曰余始願不及此也又念事已至此騎虎之勢豈能驟下倘薩諦尼亞不出而爲之領袖恐意之欲由分而合者終未能遠告成功也○又閱數日細細哩全島之民盡願隨嘉禮巴地之鞭鞭驅策惟命是年八月十九日嘉禮巴地率師渡海直登拿坡螺螄海口無拒之者於是揚旗鳴鼓直指其國都師行所至直如奏凱回朝也者盡不必起烽煙夜不必設刁斗每至一處拿坡螺螄官軍則整暇而退視若同袍拿坡螺螄民人則踴躍而前奉爲救主所謂君子實不黃於篋以迎其君子

小人簞食壺漿以迎其小人者，不圖又於是日見之。既入一名城，城中人相率懸燈結綵，直無異元宵佳節。且或以珍寶見貽，或以酒食相饌。又遵西國至尊至敬之禮，與嘉禮巴地將軍及其部下人等相抱見，絕不以風塵憔悴之色。畧有憎嫌。嘉禮巴地將軍人不留趾，馬不停蹄，率衆又趨而前，越三禮拜，即二十日已抵拿坡螺螄都城。拿王飛蟻南第二已挈其妃先遁。拿坡螺螄都中人款待之優渥，較沿途所過，又復過之至其民人之懽樂，則大約自有此城以來，未有逾於此日者也。○駐於佛吐腦之拿坡螺螄官軍一營，倔彊不降，酷似飛廉之黨。惡嘉禮巴地大軍甫至，即已掃盪無遺。於是拿坡螺螄全境悉由嘉禮巴地爲政。嘉禮巴地即宣諭於衆，畧謂：汝等今將改立何等之國，不妨明以告我。乃拿坡螺螄人之願與薩蒲尼亞國合而爲一者，十凡八九。於是薩王優詔

答之曰。天欲合意大利而爲一大國。余惟願吾民相處以和睦。相敦以
選策。使之合而永不分。至於應立何等之制度。許各直陳。無有所隱。
○嘉禮巴地將軍。奇人也。唾手而得一國。心中毫無繫戀。惟於嘉富洱
侯。則終不能無芥蒂。先請於薩諦尼亞王而罷斥之。既不獲命。卽著一
論。錄於大日報云。嘉富洱先舉意大利之全地。貢之於法國。所謂賣國
求榮者。卽此人也。我在今生。斷不願與之相合云云。且嘉禮巴地治國
之道。又與他人絕不相同。旣不得行其志。遂自忘其三閩月之間。滅拿
坡螺螄國。降丁口九百萬衆。附於薩諦尼亞。而爲一國之大功。且使意
大利人。得以自主之盛事。一旦棄置兵符。潛回佳珀雷熱小海島之珂
里安賓樂道。以終其身。嗚呼。可不謂人傑矣哉。

意大利當武解土崩之際。若非有明足以燭理。智足以保身。正色立朝。

整躬率物之一大臣指嘉乘他國衰好尋仇之隙苦心孤詣以維持調

護於其間已破之金甌詎能再補哉而幸也始基已立於當年大局遂

完於此日也一千八百六十六年同治五年值奧普二國之戰若臣又默運

智珠以爲若不奮其武怒再著戎衣恐意大利之仍不能安也故當奧

國受困於普師之會正意人致死於奧國之機及至普許奧和謂奧若

不將蜚耐天一省完璧歸意則惟有再戰而已普人助意之誠彌可感

激於是肥土愛滿月王願整陸師八萬人從陸路又以傾國之水師從

水路皆會於奧境以助普軍不意肥土愛滿月將帥全不知兵水陸兩

軍屢遭挫敗猶幸一千八百六十六年同治五年七月初五日普軍大敗奧

軍於沙賈霍奧遂不能再振越二日奧皇願將蜚耐天省交與法國管

轄而託法皇轉贈於意廷以畧存奧之體統法皇督意拿坡崙乃自以

土地
取資之

爲功以掩前過使使致詞於意曰朕之本意固欲意大利自北山而至
南海盡合而爲一大國也今幸藉手以告成功謹奉蜚聞天全省歸於
貴國貴國其無辭

當此之時意大利全部之民已共有后來其蘇之喜所獨抱向隅之戚
者僅教皇所轄治之衆民耳教皇駐蹕於羅馬府府城四周之地及其
民人皆爲教皇號令之所及然其南其北皆已合而爲意大利之疆宇
獨此孤懸其中之一地與其男女五十萬名口偏爲教皇之所執掌於
事未多窒礙且其民皆願合於意而不願受教皇之虐待又聞歐洲之
人常謂歐洲之制度莫不善於教皇羅馬府人願舉自憐深望有援手
之人俾不致終淪苦海羅馬之人心如此意大利之國勢又如彼恐區
區一羅馬不能長爲教皇有矣夫意大利既合全部而爲一國其不能

留此一塊土以梗阻其聲教者勢也。教皇治民之制度毫無舊狀。意大利則任民爲政。無束縛馳驟之苦。民心之背教皇而向意者情也。而況羅馬府者本意大利之舊都。古者羅馬大國。且緣此以命名。乃舉而委之於教皇。於名又復不順。是以嘉富洱彌留之日。千言萬語。無非注意於羅馬。甚至舌強喉塞。猶謂宜取羅馬以合於意。方完我一生之心願。後之人若日復一日。因循不決。微特無以全意大利。抑亦何以對嘉富洱。願事有不能猝成者。法皇魯意拿坡崙先已派兵至羅馬府保護教皇之位。及當教皇及笈可危之日。法皇又明語意人曰。教皇竟已四無依恃。實覺可憐。今朕不能不爲其宗子。以永保護父皇之重任等語。是法皇不憚征繕以保教皇。更不惜齒牙以挾制意人也。不但此也。一千八百六十四年。同治三年九月間。意王曾與法皇有成約。謂意大利固不欲

改革教皇之地位。且他人有往犯教皇者。意大利必往救之。口血未乾。豈能妄動。及當意人志得意滿之會。曾有人曰。王雖與法有成言。但今已時移勢易。何必拘此小約。致誤大權。魯意拿坡崙聞之。卽致書意廷。云。側聞貴部欲廢前約。貴國當必不聽。萬一利令智昏。害及教皇。朕惟有執約以與貴國相見於戎行耳。此一千八百六十七年同治六年十一月初一日事也。然魯意拿坡崙雖仗義執言。有凜然不可犯之色。而意人采烈興高。區區一文告之微。豈能阻遏羅馬府民人揭竿先起。以抗教皇。嘉禮巴地將軍。卽自佳珀雷辣小海島率其舊部直抵羅馬。以助民黨。不料教皇恃法之助。法兵又所向無前。於是民黨中人或就拘於法。將或被逮於教皇。不旬日而全黨星散。法之兵威大振。然歐洲之大局則雖是而有震動之勢。一千八百六十七年同治六年十一月十九日。英國

君主維多利亞宣諭於議院曰朕之所冀者祇法國撤其羅馬之戍兵耳法之戍兵一日不回其國憲法失和之勢卽一日不能定法皇聞英君主之諭不覺悚然甫閱旬日卽命戍於羅馬之法兵全行撤退然漸行之際猶號於眾曰意國若欲佔教皇之地法國必不能袖手旁觀也○法兵撤退之後三年歐洲情形又大變法皇曾意拿坡崙已爲普魯士所俘法兵望風潰敗普王豫備率其得勝之眾整旅而入巴黎於是教皇驟失宗子之倚意大利人知機會已至遂於一千八百七十年同治九年九月二十日意兵大隊入羅馬府城警報傳至崇奉天主教之各國皆曰此實驚天動地亘古未有之大變矣意拿坡崙之后尤姐時在喪亂之中雪涕而語人曰余之愚見寧可任普魯士兵之佔我巴黎不忍意大利兵之入我羅馬其在巴黎之大主教則曰意人無知妄作竟

敢強奪教皇之地，天心震怒，真可挽回。異日必降奇災，禍大于世界中，必成大亂。亂作之後，上帝必將別造一世界。其危險豈可思議，而教皇則切責意人曰：汝輩佔我之地，必受天誅。其餘教會中人亦皆信曰：狂言以恐意人。意人則處之泰然，毫不爲動。卽羅馬府人亦相與歡欣鼓舞，願附於意大利，以爲盛世之良民。而意大利乃自此國全無一分之欠闕矣。

昔之意大利，祇有其名而無其國。及是始合而爲一，儼然列於大國之林。而惜也，抱大志，擅大名，以立大國者，不克躬親見之也。合拿坡螺螄之後，嘉賓四侯獨膺全國之重任。數月中，舌不知味，目不交睫，深念仔肩之重，益宏定鼎之基。究以心力過勞，越明年春，遂染腦疾，前後七晝夜，甚至昏不知人。其府第向在克靈地方，意民之探問病情者，繞府三

面擁擠不開，但聞咨嗟歎息之聲。皆曰：侯病若終不能痊，意事恐必將無望。臨終之前一日，薩諦尼亞王親來視疾，及將迴蹕，執侯之手而泣，曰：卿其善自調攝，明日不覿，當重來問候也。嘉富洱對曰：明日王來臣已永辭人世矣。果於翌日日甫出，溘然長逝。時一千八百六十一年咸豐十一年六月六日也。嗚呼！惜哉！考嘉富洱侯生平大志，惟在合意而爲一其餘小節，皆非所計。乃及其瀕死，尙未告成。侯之目終不瞑也。然事雖未成，侯之根基已立，確乎其不可拔。異日必能收流水轉圜之效。故卽撒手西歸，庶幾無所遺憾。總之出萬難之奇計，以定萬事之宏規者，嘉富洱也。羣萬里之版圖，享萬年之安樂者，後之人也。吁！

意大利之由合而分者，數百年矣。意民之盼望由分而合者，亦數百年矣。當其一分不可復合之世，全國猶圖場也。各小國之君侯，猶獵戶也。

而意民則猶禽獸也。彼者擇肥而噬，惟心之所欲，禽獸風毛雨血，或入於網罟，或入於陷阱，悲啼哀叫，無節之者。而且國勢既空，星散處國威自委靡不振，民受萬分之苦，君不能獲一日之安，逼於強鄰，心驚骨折。今則合而爲君民共主之國，前弊遂一掃而空。綜計其疆域之廣，袤大抵與英吉利本國不相上下。惟戶口則畧減於英，至其地脈本甚肥美，其天氣亦寒暖適中，東西南北又皆有海道可通，最便於商旅與各國亦並無隔閡之嫌。其民之欲合爲一者，本已具有同心。今幸藉手告成，人心仍固結而不可解。昔之羅馬本最有名望之大國，實足以誇耀於人寰，洎乎中衰，受大苦大難者十餘世，始重得此同心合力之機會。日後振興之象，及如何措置之處，我輩恐不及見。夢思君自謂也而我後之人必有撫時感事而重念我言者。

夫人皆得享自由自在之樂而不受暴虐之苦固屬大佳人能合同族而爲一體尤有暢然自適者然但恃乎此國未必有忽然大興之兆人亦未必有屹然大振之機況乎意大利之墮風傲俗垂數百年矣如有王者必世而後興故欲求諸弊之盡消收成與維新之效恐非二三代不爲功彼教皇與神甫之治民也以不教其民爲第一義意之舊君與諸侯王又不知教化之有益於民意民之愚遂如木石其本境諸事已未能洞悉源流若問其國外之情形更昏然如墮十重霧夫亦大可憐矣屈計一千八百六十四年同治三年意人初合之日一百人中不識一丁字者多至八十人一千八百七十年同治九年考試其所募之兵則百人中之不識字者約僅有六十四人意既立君民共主之國灼知國之大政教化爲先不能教民民何能與君共主雖有絕頂之制度亦等於文告

空懸於是國家先設爲新學以教之每年撥出國幣初尙微乎其微後乃增至英金一百萬鎊意大利本有崇奉天主教之廟宇二千四百座其中男女三萬人坐耗資糧無補於民生國計而所擁之資則甚富厚一千八百六十六年同治五年意廷定律凡國內之淫祠一切廢之其廟產之所入凡業已住廟諸人每年仍酌給贍養費多或英金二十鎊少或十鎊俾免飢寒其餘悉舉以充學校之公用於是絃誦之聲不絕於耳矣

意大利重立新國其工作振興之速有令人不可思議者惟其開墾之荒地則甫得三分之一而耕種之法亦殊蠢拙幸亦有日盛月新之象查一千八百六十八年同治七年意大利出口貨物僅值英金二千二百萬鎊尋常市價約合華銀八千八百萬兩一千八百八十六年光緒十二年漸增至四千萬鎊約合華銀八千八百萬兩

一百六十兆兩則可知其日起有功矣。又查意大利織綢之法已興於數百年之前。英人所奉為導師者也。今仍有羅縐絲以織綢緞。其地又產三蘇甘橘、火酒、硫磺等類。其民喜食橄欖及橄欖油。然尚能以其餘運送出口者甚多。總之意大利之旺相於出口貨見之。并可於入口貨徵之。夫民若不富他國縱運貨以入其國亦苦於欲購之無從。乃查一千八百六十八年同治七年入口貨價共值英金三千四百萬鎊。約合華銀一百二十六兆鎊。一千八百八十六年光緒十二年已增至五千六百萬鎊。約合華銀二百二十四兆鎊。其中以糧價為最巨。蓋意大利所產之糧食不敷其人之口實也。又多購他國之棉花、鐵、煤、鐵之屬。而察其民情皆以通商為樂事。他日之盛無待贅述矣。

今之意大利人盡洗昔年羅馬人惟我獨尊之習。自無隨在佔人土地

之心況甫經混一區宇之時事之亟需整頓者多至不可枚舉即有護
亂他國之意亦復無暇及此及揣其心地實喜敦崇睦誼又確知平安
無事之即為大福斷不肯輕啟兵端惟業已僭於大國之中他國競修
武備自無獨任其廢弛之理兵費遂遞有所增計其承平之日共養水
陸兵士二十萬名其兵艦則既多且精兵械亦不惜浪費昔先創造重
英權一百墩每墩一千六百八十斤之大礮彼英吉利至強至富之國其礮之最
大者亦不過重英權八十一墩耳○意政之最不善者曰度支之糜費
也一千八百六十二年同治元年計年費英金三千八百萬鎊約合華銀一百五十二萬兩
耳一千八百八十七年光緒十三年漸增至七千二百萬鎊約合華銀二百八十八萬兩及
卅其歲入之款萬不能加出款之倍增因此歲有所虧其至少之年已
不敷英金二百萬鎊約合華銀二百萬兩至多之年竟虧至二千四百萬鎊約合華銀二千四百萬兩

第十九節
鐵路電報

九千六百萬兩。國用之浩繁至此，國債之積重，不問可知。故一千八百六十二年，同治僅資英金一百三十五兆鎊。約合華銀五百四十萬兩之國債者，今也。以舊年而計其所開今日者大抵一千八百八十七年已增至四百五十兆鎊。以尋常市價計之約合五百萬兩幸此年入款漸多，即使不能還債，大約可不再借債矣。所最可惜者，意大利開築鐵路，滿布萬分也。計自合而為一以來，所築之鐵路，不過合英程七千三百餘里。合華程二萬二千里且意民之心，亦不甚喜築鐵路，以博厚利，故僅此二萬二千餘里之華程，意廷尙須執掌其半。或料理其築路之經費，或民間之業已築成者，推而售之於公家，蓋經始之難如此。○意之電綫，共長英程一萬九千里。約合華程五萬七千里民間用電報及郵政局以通音問者，殊不見多。以英國英倫一省而論，勻計每人歲發書札四十函，阿爾蘭一省少矣。然每人歲發書札，勻計尙有十

四國以法蘭西全國而論，勾計每人歲發書札十八函，獨至意大利人則僅有四函耳。此猶就郵政局言之也。若夫電報，英國每人阿爾蘭不在其列，勾計可年發一緘者，意國則年中須合五人而發一緘。

就目下而論，意事其爲國最新，不敢決其居何等。若欲預推其後日

之所成就，竊料意民既獲公舉官吏之益，

凡意大利人年二十一歲以上，每年能納糧賦滿英金一鎊者，皆有舉官之權。當此書脫稿之際，其報名注冊以請舉官者，不過六十萬人，爲數殊不見多。然其國中之學校，尚未廣興，豈有舉官之才，識與其多而值事無若

較少之爲妙也。

又從立國以後，極喜君民共主之制度，而國家所定之律例

小民亦樂於遵守，此其大畧也。昔日之民，不克備聞教化，皆蒙昧而

無所知。今則新立學校，諸事有明師之啟迪，可冀其日進於高明。又

其民之欲論國事者，無論報館，無論著書，公家毫不禁止，而民咸樂

受公家之範圍，絕不橫生枝節，職此之故，大有太平氣象。且工作既

興民間又有豐亨豫大之景不知意大利誠何脩而得此哉夫昔日之意歐洲人皆謂其病入膏肓而朕於百體幾無起死回生之望今一旦化裁通變立起沈疴吾知異日者意大利既有威權又有哲士不獨有益於其國且將有益於歐洲而共獲平安茂盛之樂矣

泰西新史攬要卷之十九

英國

馬德西元本
李提摩太譯

上海祭臨康芝紱述稿

俄羅斯國

俄羅斯於今日固儼然疆大之國也顧上溯至二百年前歐羅巴洲人士幾無有齒及之者卽近推至一百五十年前歐洲乾淨土仍未見俄軍之車轍馬跡厠於其間及考其所屬之地則跨於歐羅巴亞細亞二洲廣漠無垠爲各國之所莫及其所屬之人則族類互殊壤地互隔多有老死不相往來者偶或緣事交涉又彼此格格不相入幾忘其爲同隸一君也者已可異矣若考其教化則數百年前之某俄王曾令民人各隨基督教俄民亦無不樂從然第觀其外固似有受教之規模及叩其心藏依然旣蠢且頑與未受教化之益者無

甚區別至其商務一門既未與他國貿易有無本國又絕無製造貨物之工役間或有之亦鈍拙不堪言喻又恒閉關自守與他國不相聞問故相觀而善之一道先已晦盲否塞論國中之文事則絕不知學校爲何物武備則不知正兵之定額旅人之遵陸者則道蕪不可行問諸水濱者則欲濟而無舟楫種種狂榛之氣象皆不成其爲國其所恃者僅有務農一流人而耕田鑿井之法又皆至拙極陋更有游牧一流人轉徙流離棲止無定故太平之日其民但以穿衣喫飯爲樂而習於嬾惰不事家人生產亂作則好勇鬪狠以性命爲兒戲綜計其一生之事業不外乎此兩途羸悍情形概可想見已

俄之始有事於歐洲也大抵在英國俯洽輿情改君主之治爲君民共主之治之年至一千六百八十九年

康熙二十八年

俄帝彼得卽位年甫十有七

齡耳後人以其成就大事尊之曰大彼得當大彼得未卽位之先其姊
實膺君位一仍俄羅斯昔日之陋習既不使彼得讀書又任其耽於童
嬉甚至下流之事無所不爲及將繼位而爲君不論大小各事無一能
了然於心而侍其左右者則日導以飲酒食肉之樂與夫種種庸惡陋
劣之俗尙蓋彼得少年時受人之蒙蔽誠無所不用其極矣不料彼得
心地本極聰明一日躬踐主位忽盡改其平日之所爲先延明師爲之
講解至德要道遂永不肯放縱其身心享年五十有三歲而薨跡其弱
冠之年堅持定力務欲成至大至難之事雖未克享耆壽而在世一日
卽盡力一日蓋自古迄今從未有一生三十餘年中務其大而不遺其
細成其功而又居其名如此君者也

彼得雖竭力維持諸善政然其強悍之氣尙多不克自持當俄人叛亂之時所

彼得因不第目視其行則又親持利刃收殺多命其居宮中也候伺其左右者甚至
教諭皆至大臣但有一人彼得之意者彼得卽親取杖以擊之人君之度惡若是

○彼得初見歐洲各西國之人，畧考其所作之事，卽知俄國之不如他人，實同天壤，而環顧其大小臣僚，一無有深明事理者，遂立志以改其國政。大臣雖日侍左右，亦無一敢阻之者。於是彼得先強逼其國中，人悉仿歐西之軍制，尅日成軍。然新軍初立，未有成效。瑞典國韓裏王第十二，僅率師一萬人，以入俄境。俄將以兵八萬人禦之，一戰而師徒撓敗，血流漂杵。然彼得不緣是而灰心也，務竭其力，日夕訓練。久而久之，漸能與他國之軍相髣髴，且不在他國之下矣。俄國本無兵船，徧考俄文中，竟尙未製其名字，更何論能造巨艦之人？彼得乃特至英國之德福海口，及和蘭國之安思丹海口，親奉造船之大匠爲導師，以從事於斧斤之役。及至藝成，回國又挈帶工匠甚多，使以造船之技教導俄人。甫閱數年，俄之北境卜勒梯海面，桅樯林立，遂成海軍。他國乃無敢

藐視之矣。○木司寇者俄之舊京也。與歐洲各大都會相距過遠。彼得至卜勒梯海口。周視形勢。喜曰。我將遷都於是鄉矣。且曰。我以此地爲俄羅斯之窓闥。我開軒以遠眺歐洲之大局。胥在目中。豈不快哉。隨釋耐華河畔之水田。以建新都。卽起役夫三十萬。伐木以通道。開溝以洩水。又於其四圍。偏築通衢。以利通行。不料宏規未定。洪水忽來。凡彼得之所布置而設施者。一旦全行衝沒。且役夫又染瘟癘之證。傳染甚速。死者數千人。乃彼得以爲我既掌俄國之皇權。豈畏陽侯之肆虐。又糜五閏月之財力。新都重定根基。卽今之俄京彼得羅堡以俄皇之名爲名其都城外之東西南北諸險要。則各築造礮臺。瑞典卽以善戰名。亦將束手而不能破。○彼得遷居新都。遂正俄皇之位。旋令其民學織綢。叛之類。學印書籍。又俾畧通各國之語言文字。益復修築水陸道路。以通行旅。設巡捕府。

以緝奸宄立郵政局以通文書參者各西國律例以成俄羅斯新律昔年各衙門會計之事皆用算珠俄皇乃延英國之蘇格蘭人至俄教以筆算之法又設鑛政局以開各鑛俾足供人用之至寶不致久鬱於土中欲療人之疾苦也則設立醫院兼醫學書院教俄人以醫理凡此一切之新政皆由俄皇親自經理且事無鉅細一一皆以身任之其製造諸新法大而鑛礮小而索綯俄皇皆能躬自操作若論悉心掌管猶其事之逸焉者矣○旣而俄皇冥想國家經文緯武諸大政類多訂立新章可期就緒惟教會中之積習尙有不能釋然於心者若不加整頓吾其何以對上天乎遂先覈教會歲入之款親自爲之掌理昔年教會中立大主教一人獨掌教權者俄皇改派大教師數人以分理之又定一則凡民人年在五十歲以下者不許常任廟中自稱脩士

按此如中國出家僧

道之以爲我民之多較我廟宇之多謂出家人爲尤勝也○俄國風俗多

由東方諸國漸染而來故如婦女之不得出閨門男女胖令俱由父母

爲之媒定與東方毫無差別俄皇下令曰夫婦之道人倫之始豈可勉

強婚配使人有終身之怨自今以後凡欲永諧伉儷者男女二人必先

覲面相處至少須六禮拜卽四十然後自行訂定其父母任意主子女之

婚嫁者禁之又仿西國之法設立茶會食會之類特使少年男女互通

交際互訂婚姻以敦夫婦之大倫此其一也俄人之所敬體者褒衣博

袖亦如東方之式領下之鬚則甚長俄皇下令悉學歐西之例盡薙其

鬚之長者已覺可笑俄教中愚民聞此新令多以薙鬚爲虐政而又不放不遵

以爲其心以爲吾無鬚隱隱死後受難之際教祖尼姑嘲聖人卽不加以此

後護也故又有人謂吾日而希之風俗直與修道無異萬萬不可想置者若有不

改衣服不薙鬚之人以犯法論予以重罰其尤可笑者都城四門之

第三節
大開通

外編懸新衣形式使民有所效法其偶有穿著故衣者官即命其更役
期而短之此又其一也○俄之改歲在於西歷九月間俄民皆謂此上
帝初創天地之日也俄皇不信其愚妄之言即日下令改用歐洲新歷
與歐西各國同日度歲按俄歷今較西歷相差凡十二日蓋歐西各國遵教
皇之所推算改定新歷而俄國則仍守其舊歷也
俄皇不憚辛勞庶政皆煥然一新大非昔比其所創立之新工程各地
皆有蒸蒸日上之勢而一切手藝人等亦隨之而各效新法無不欣欣
向榮俄皇所定之新律民自不敢不遵其新易之衣妝服飾人亦大半
改從獲益實非淺鮮至其創築之新都曰彼得羅堡者後人又稱之曰
聖彼得羅堡又
成一繁華之大都會原俄皇之意固欲略俄羅斯於歐洲大國之列也
太司寇故都離歐西太遠既有鞭長莫及之慮然新都雖定其南尚有
土耳其即不能通於地中海其西則有波瀾又不能通於各西國欲求

坐大先在開運俄皇遂以狼鶩之心運其英明之氣先強其國毋卽於弱繼合其民毋俾於分而惜其外交之道未能悉合於理也念與俄爲鄰者實偏處此儼如卧榻之側有人鼾睡欲求駕乎其上非用兵於西南兩國不爲功○俄皇之始卽位也其屬地有英程五百萬方里英程一萬方里合華程九萬方里若考今日愛烈珊德皇之世已式廓版圖至英程九百萬方里英程一萬方里合華程九萬方里蓋從彼得皇之後歷代以開邊爲長策也然二百年間驟增幾及一倍五洲諸國實罕倫比卽以英國而論其所得印度之地雖廣逾英程一百萬方里然較之俄國同時所得諸地則一大一小尙覺相若懸殊俄於是時四路擴充合計其所得者已共有歐羅巴全洲之廣矣○俄之貪心旣熾其適當俄衝而最遭俄毒者莫如瑞典國瑞典處於俄羅斯之北而其邊境之麗芬芬省嘉賴力省芬蘭達省皆足以大梗

俄人通海之路俄遂盡三省而奪之俄之西有波瀾國者隔俄使不得

通歐洲適中俄皇之忌俄先決計奪其一大地已便於歐洲出入之途

矣繼又與奧普二國訂約者三次欲滅波瀾而剖分其全地波瀾由是

遂亡各國人之論俄事者皆曰俄待波瀾實覺太苛然余以為持論大局未可僅

恆受虐於波瀾且波瀾本強於俄俄雖力扼俄使不得逞又與各國訂約以壓

俄俄人恨深切商而無如之何今俄既日強遂與奧普立約以滅之其實昔之波瀾

時強後理俄皇得志之日則報數百年之深仇此其一也波瀾將滅未滅之時其日

是不善於治民波民既不識字又習於懶惰而日即貪更喜荒蕪於酒往往但願

今日忘卻來朝此其二也年來英領事官駐於波瀾故土者報於英廷云波瀾全境

今日大有起色通商務農來百工之諸大政皆月異而歲不同其富且強也可立而

待也實出意料之外○俄國之開闢南邊也亦始於大彼得一千七百十一年康熙五十年

止耳基受俄之逼獻亞叔夫地方於俄旋又舉其克咄一開迷啞三卑沙喇第三三大地及濱於黑海之各地盡昇於俄至於中國伊犁之西北方即阿那河迤北之地廣漠無垠雖素屬於俄幾等石田之無用然

其東則大有膏腴地，庶人稀，棄置未免可惜。俄人又東畧而得之，波斯國畏俄之威，則奉其姪兒姐省，錫飛斯省之版圖盡折而入於俄。統計自彼得皇創爲開邊之議以來，凡裏海、黑海中間之地，歷代俄皇視爲魚肉，遂漸次如漢陽諸姬楚寶盡之矣。○一千八百四十七年道光二十七年，俄人之足跡始及於中亞細亞洲。英人時正得印度西北之烹齊省，俄人之言曰：「英既得尺，得寸，惟所欲爲。」俄國在亞洲中地之商務久必爲英所礙，而阿富汗國北方如機窪如布喀喇一帶，其機更間不容髮，不可不慎爲之防。俄廷遂策遣兵解泊於阿那河，俄兵駸駸而南，殊覺從容不迫。居於其地之民人本屬散而無紀，又無土馬以護之。既見俄師紛然駭竄，俄兵更肆無忌，惟意所之。及進師開迷啞，以侵土耳其基之役，英法土三國拒之。見前俄軍大敗而歸，資用乏絕，開邊諸費苦無所

出然雄心未泯、蘇息數年又思前進、一千八百六十四年、同治三年先占春

鏗地方、遂在機窪及布喀喇一帶沃壤循河而行、凡戎馬所經之地悉

踞以爲俄、有俄國名王古擦腓語於人曰、俄國之占諸地、良非得已、今

幸得告成功、從此不必再進矣、人多信之、然俄師之南趨者、仍未有窮

期也、先占他侈強一地、又占苦堪一地、遂命機窪爲俄屬國、布喀喇勢

成孤立、恐異日亦必爲俄屬矣、○俄國自初次開邊、以訖今日、就成而

言往西而至歐洲、計增英程八百里、約合華程二千四百里、往南而至地中海、計

增英程四百五十里、往北而至瑞典國之都城、計增英程三百里、其往

東南而開至亞洲也、亦復屢有增益、所得阿富汗國之地、謂爲假道於

是者多、至英程一千里、距英國所屬印度之地、不過英程三百里耳、每

程一里約合華程三里、○法皇拿破崙第一之敗也、明於事勢者、皆謂法權既削、俄

謂之
尼古
之時

露將起隱憂之大其在於斯微諸昔者歐洲之時局法國幾可操縱由
我及俄人助各國以逐拿破崙諸事大定歐洲各國君王始許俄羅斯
列名於尊俎敦槃之會然上溯百年前歐人固從未齒及俄羅斯一字
也豈料時異勢殊歐洲之大事至今共尊俄皇爲政而人盡敏手悼恩
莫敢誰何哉歐洲各國初見俄人言談大熾又專恃勢而全昧理因相
與議之曰我輩若以俄爲不足畏而不重爲之防異日之歐洲必盡遭
其荼毒諒者皆謂爲不謬且俄又恒自誇曰他國皆非我敵也又論及
各國之制度與夫學校風俗之類亦恒覺惟俄獨尊非他國能望其項
背云

俄人自大之氣歷四十年如一日俄之威權亦日增月盛然不曰國有
權而曰皇有權俄人之尊敬俄皇者不啻聖人復作是以尼古喇帝稱

年惡權藉勢之心益重。國中之事舍尼古喇帝之外無一人敢妄參末議者。皇又善怒。若有偶拂其意者。終毫不肯容情。即貴王極品之大臣亦不敢偶觸逆鱗。以蹈不測之禍。故當日官民上下人等但遇皇威之所至如疾風之偃草。無有不靡然仆者。尼古喇帝之心又極不憚出學校深恐讀書之士子群聚於大書院。異日或將起整頓朝政之心也。俄國亦有報館。然措詞之間偶有一字謬誤。即章指爲美中不足者。立拘其主筆之人。下之於獄。行是以一國之中無論爲教民爲養民。悉由一人爲政。他人皆不得與聞。夫此一人者。地非不善也。徒以識見太覺古拙。遂疾視歐西之新法。凡有欲多見博聞以含蘊而謀新者。即遭尼古喇帝之憎惡。尼古喇帝但願人杜門不出。老死不知世務。便爲盛世之良民。所以亦嘗開築鐵路。乃未及半途而輒止。且明語人曰。各國侈

第四節
不戰而
勝之時

三教養訓可坐致太平者此朕心之所深願者也朕以爲軍政一端實
治國之第一義故其生平惟務整軍經武俾俄國可永恃其權以成威
震人寰之國○及至英法二國助土耳其以敵俄也俄國之人皆喜極
欲狂皆謂俄皇之於軍務全地球中無有能敵之者已歷四十年之久
矣此四十年中俄國之大權既無一國敢與之抗今英法二國僅遣其
餘兵以禦我是不啻以卵投石也於是俄人皆賦從軍之樂甚至婦人
女子亦皆以爲必勝萬不料尼古喇帝戰意甫決不但素日治軍之名
聲一掃而空卽制其國人之大權既爲他國之所挫若使不能俯順民
心恐本國之民亦將有駕而亡之者矣

英法土三國既敗俄師俄民之心遂大變昔日恪遵皇諭如聖人之訓
者至是則不但不聽且其昌言以斥之索瘢指瑕無所不至故昔日之

俄皇恩仗機勢以爲莫子敢侮者及至敗績而歸俄人皆知其機勢之
有界限是以俄國之中皆謂皇之待我民也實太苛刻一倡百和俄之
勢幾不可以終日一千八百五十五年或曰五十五年尼古喇帝薨俄民不但不知哀戚反謂俄之沈疴今後將漸有起色尼古喇帝古拙之法已成痼
疾非死不除今則死矣我輩可安心矣且將有冀幸於萬一之想矣及
至愛烈珊德帝第二卽位盡改舊章國中之報館忽興凡國政之廢興
應革者璵璣玉珥大放厥詞俄廷毫不禁阻且許其訟言得失以廣有
益於民之新法蓋自與土耳其議和而後木司寇彼得羅堡新舊兩京
中驟增報館七十家其稽查報館之御史亦知俄國實多有急宜改正
之事故悉憑報館之議論或卽據之以入告報館各主筆既得歷朝未
有之機會益傳采小民之疾苦銳意指陳至於歐西諸君政尼古喇帝

在位不許報館涉及一字故各西國制治保邦之道格致之學並一切新工作之法俄人如在鼓中皆然不知俾其士子則私自講求多歷年所今幸報館大興遂又有專論各西學者皆謂俄國宜多立學校以教其民實爲當務之急苟不以教民爲先則民不知各國來往之事何者爲有益何者爲有損國勢斷無興盛之想也

俄羅斯之亟宜整頓者不徒學校已也其風俗之弊出於意外者甚多卽以務農一業而論尤當加意整頓農民庶免受終身之累然其弊伏於三百年之前中國初不知其緣起積而至於近世遂有農夫四千八百萬人以田業爲附骨之疽畢世莫能自拔何其酷歟查俄國之困掌於諸葛監此亦與他國無異昔謬其爲之耕種者中國目之爲佃戶去留任便絕無拘束乃俄例則不然佃戶既耕其田傳子傳孫不能離田

一日佃業主或因中落等事欲售其田凡居於田旁之佃戶即隨之而

售於新主計論價值恒斷斷焉及至田易新主佃戶亦即認新田主為

新主人直與奴僕無異考俄之佃戶本不能視為奴僕然與中國佃戶絕不相

又考俄地之種類本以滿收為生今年雖立行墾於甲地明年則就水草則乙丙丁

諸地任意轉徙查無定在乃一或務農為業即不能來去自由俄廷又定墾夫不准

遠離田業之例常若墾荒於常年耕種之外絕不敢移心於他務居今日而論墾夫已

處業後依然處種重難返之勢佃戶若欲他往必先與田莊中年老之莊頭商議妥

治始克身而去查泰西各國昔年亦曾有此陋習既而廢之惟俄國之富家盡

視為利之所應得雖以歷代之賢君哲后亦苦於措置之無從嗣高德

玲皇后第二在位一千七百六十二年至一千七百九十六年欲去之而未果也皇后之孫愛

烈珊德皇第一繼世一千八百一年至一千八百二十五年欲竟高德玲皇后之志依然未

有就緒推原其故實皆緣甫經議及即與他國有戰爭之禍遂致無暇

兼錄尼古喇士皇第一一千八百二十五年至一千八百五十五年初即位即特簡大臣確查

隨夫之苦不料一千八百二十年

道光十年

波瀾國戰事忽起又姑置之至

一千八百三十六年

道光六年

尼古喇士皇第一又憶及隨夫之事仍莫能

決然釋放一千八百三十八年

道光八年

第三次派人查辦是年忽值大祲

更難措手於是心灰意懶終尼古喇士皇第一之世從未齒及然傳聞

皇疾大漸之際遺命其太子曰釋放隨夫善政也朕未能行今以屬汝

矣○愛列珊德皇第二卽位俄國之隨夫日夕望恩待澤如大旱之盼

雪竟愛列珊德皇第二亦望願圖之故雖多田足穀之諸世家祇圖利

己梗阻百端而皇心殊不以爲然踐阼之日宣諭諸世家曰朕欲竟先

皇未竟之志以釋隨夫矣一千八百五十六年

咸丰六年

八月間卽從業田

之富家大族中選舉若干員俾之按照國家所定之大綱悉心參酌以

訂細目前後凡三年之久彼此發爲論議再四酌改期升於聖恩不易

遂於一千八百六十一年咸豐十一年二月十九日特降諭旨將幾及五千

萬之隨夫一霎間全行釋放凡昔日人田聯合之弊悉掃而空查此旨

原係釋放隨田主之隨夫二十二萬萬人耳其皇家
隨族之隨夫二千六百萬俄皇聲明將及降諭旨

俄國之有隨夫雖於自主之道多所不便然較之爲人奴僕仙覺高出
一籌故亦無黑奴之苦楚俄國巨室所執之田業大約三分之一自行
管理或豐或歉無與於隨夫其三分之二則富家雖出資以贖之而其
地盡交於莊戶若問爲莊戶之業也者所謂莊戶者皆隨夫之流亞也
其視富家也卽爲其主凡事必稟命而後行偶或開罪於主人翁卽可
予以刑責無敢違抗蓋富家購地之時必問有隨夫若干名同立券中
卽然爲隨夫之新主其得而約束之也固宜若論隨夫之工作悉聽
田主任意撥派雖各隨夫有可自相通融之處然別有一成規焉必不

可易者，假如有隨夫若干人，田主可挑選數人於耕種之外兼充其家中之傭工，口伺候於其左右，至挑選之所餘常年以禮拜計，每一禮拜執役於主人之田者三日，尙有三日可以自理其業，其有不願終身埋沒於田間者，亦可出資若干，以自贖其身，凡自贖其身者，類多遷居城市間，爲市井中人，往往致富而爲鉅商，甚至開設銀號，或絕大店肆，然仍須按時納季繳銀於富戶，而仍稱之爲主人，不敢夜郎自大也。○一村之地，各家割畝以分種，而視其人口之多寡，以分田畝之廣狹，畝數既定，毋得更張，俟閱九年，再掣一次，各村人無論遠近，出若干年終不致失其原地，故雖年深月久，水遠山遙，及至一歸故鄉，即可理其故業，無有敢妄加阻止而與之爭論肥磽者。○俄皇既降釋放隨夫之旨，各隨夫皆得爲自主之人，此大綱也，其細目所開則又有兩面兼顧之一法。

焉其昔日之業爲人下者必須展限二年仍爲田主竭力耕種而由田主酌給工食以酬其勞至業已自行贖身之人亦須仍照舊例每年繳銀一次於其故主及至二年限滿各隨夫始無拘無束○村莊之人卽如隨天也者旣邀釋放尸其歷年所耕之地卽可撥令營業惟仍須按照田價繳銀於其故主或以無力爲辭則任其照常耕種而按年納田租於田主此卽如中國之佃戶矣又有無資納租者則令其服役於田主之家計日論值以抵田租誠可謂通融之至矣惟村莊中人旣已居住有年必須仍居舊地不能意爲去留致有田地荒蕪之患若別有所事萬不能留則必先與其村寨熟商窺以爲可始聽之俄之北境各村人亦有出資以購得自便二字者總之俄國鄉間之地皆須合村中人公同奪定斷無任聽一人爲政之理當其應繳田主銀兩之時皆田

諸莊戶會集公議催租索逋之人並不分甲乙各花戶故俄之田地
但分某村某莊不分某姓某名於是有貪喫懶做者既已逋負山積反
可違避事外而衆人之勤於作苦僉於持家者反因一人之故累及公
同賠補久而久之漸多不願盡力於南畝而況又有更易田主之事膏
鹽所費盡付東流則亦何必視他人之田知己產哉今通計俄羅斯村
莊中人罕有終喪且貧者何也村莊中之所有皆可移而爲我用也亦
無有忽焉廢跡者何也同村中人既負人錢必將分而去之也至於各
戶所分種之地又嫌其太少春耕夏耘秋斂冬藏固曰爲事甚煩也而
然日夕之故常有餘力相率嬉遊況近年以來酒稅又改新章飲酒之
人遂日見其增多莊農於作苦之餘無所事事又見酒帘高懸類多近
在富門是以沈湎於醉鄉者較諸隨夫未釋以前更覺人多於鄉

中歲入之款其徵諸酒稅者幾抵正賦之半而官吏及教中之神甫反常以飲酒之樂導人若以勸人節飲爲言彼握權之大僚心殊不喜也農人既耽於鴉片自日卽於懶惰其昔日之田主欲僱之以充工作衆皆無奈而應之職此之故工作之人雖甚多所成之貨卻甚少或謂農田之所產較昔日爲少者山村水郭間亦復指不勝屈矣

第七節
二種刑律

俄羅斯立國以來至一千八百六十二年同治元年正屈千載之期其新法已徧行於通國而讀書之士則以是年爲再造元黃之歲有求俄皇許諸色人等各隨其意以奉教法國家絕不加以抑勒者有求俄皇許報館主筆各貢其識以論國事國家毫不定以限制者更有素抱大志之人欲改俄羅斯君主之國爲君民共主之國者皆言一國千秋宜有此改絃更張之舉夫使重視斯民之國當此時勢民之所欲君必從之不過累分遲速耳而俄羅斯國則不然民心之向背何如國家全不過

問惟朝端執政之數大臣自於俄皇各行其志其能順民心與否亦惟大臣之意衆皆不得與聞○亞烈珊德皇之器識雖曰不甚宏遠而其心實欲整頓制度以惠及小民於是爲安民起見特創新章畧謂從前開刑衙門流弊至鉅一切案情作何治罪不定於公堂之上而定於私室之中遂至營私舞弊賄囑情託無所不至竟視兩造之行跡與否欲拘則拘欲釋則釋或輕罪而比重律或重罪而附輕刑種種舞文全恃孔方之力於是下僚未鞫判定之案多有越控於上游者更有富家子弟以地方官爲不足畏一任其自定爰書旋即輦致重金再控之於府省立即脫然無累此蓋習以爲常幾可述於人而不諱者也其身爲官吏者又多不學無術之愚夫加之以國家所定之律例既多且亂即欲秉公辦理而於彼於此皆可援引正不知何適之從是以俄人之謬曰

天下之最不公者莫公門若也。○愛列瑞德皇勿得一歲杜訟弊之法遂於一千八百六十二年同治元年九月間特頒詔書云自今以始國家簡派問刑官吏必以明白事理爲先兩造具備必鞠之於公庭旋即援律判斷其行賄以上控者禁之總之民有冤情始末伸於官府雪冤之權不在官而在律其有不秉公審斷者罪之又仿照西法以立陪審之員務使鐵案如山一字不可移易以杜上控之弊云云俄民捧誦之餘無不感激厥後俄廷所派之官吏皆能恪遵新制俄民益喜

昔日之俄羅斯不第國家不准有民主之權等而至於一省降而至於各府州縣皆不准民有公議政事之權國家一切政令皆由俄皇會同數大臣與夫大臣所選授之各官吏任情酌定其民心之能服與否皆不遑計其爲民者農夫則耕田鑿井不識不知商賈則貿有違無徵實

徵賤但就其本分之所及以旦夕營營而不息至於一國之大事一鄉一邑之小事自有君若臣總理兼權域之蚩蚩將不能干預○及愛烈珊德皇卽位以來已非復從前之景況矣各省會中皆准民人公議機務各府州縣亦許設立地方公議局局中之董事由本境之富室及城鄉各人公同推舉以會議地方之庶務又由各局董公舉賢能送入省會以充總董各地方如修路造橋等事以及商務工務章程皆由公議局悉心妥議國家應徵之稅亦必下局使之分徵總繳惟各局董皆小心翼翼國家之大事不特不敢干預並且不敢議論俄廷頗喜之而不知各董本自田間來心地不甚聰明卽欲妄參末議亦且不中肯綮甚至公議局所辦之事亦未能有條不紊故民人之受其益者殊鮮而況俄之農人平日初未嘗求公事雖地方官殷殷誣諉皆茫然無所措

手其到局議事之際并其有益於本身者且不能侃侃而談何論他事於是志氣嚙頰之輩反願悉由在上者之主持不若歐西各國之人遇事精思冀益於己者并益於國也○愛烈珊德不但整頓各新政以冀有益於民已也凡入伍充當士卒者偶犯輕罪用新法以罰之不許各主將如昔日之妄加責打俄人之所崇奉者本基督教中之一門名曰希臘教素不准他教之分門別戶以與希臘教相參至是俄皇又下令曰凡我民人祇期安分而已其心喜奉何等新教國家並不禁止至希臘教之充神用者所讀之書較少於各西國之神甫教師俄皇乃又下一令俾希臘教中人整頓讀書之法又查尼古喇帝以至猛之政治俄國厥有多人挾造遠方至是悉命赦回國中重許開築鐵路以便往來溯昔年俄人之欲遠遊者必向國家請領路照乃領照之費每紙須

第九節
民少識字

繳英金八十鎊合華銀二百四十兩其實莫比人遂皆不敢輕於跋涉至是悉從冊汰每領一路照不過酌繳紙費而止從此以後凡家道小康者皆可出門游歷以廣識見總而言之俄皇所立之新制度務期有益於民其非所計也○所可惜者一千八百六十三年同治二年已滅之波瀾國畔俄而起俄廷毫無暇晷再講新制且國中求新之人竟欲助波瀾人分立而為一國設想殊誤其餘上下人等則皆願竭力以保俄羅斯全境俾一合而永不分於是以前絕大勢力掃平亂事彼求新者則遂為俄人所鄙薄自此以後俄廷改制以除弊之事絕無而僅有矣

俄之農人相沿至今幾不知讀書為何物約計五十人中曾入塾讀書者僅有一人而已其西北芬蘭省人學好文墨幾無有一不識字之人其學校甚盛於他省近來俄廷又有鼓勵行賄之法凡兵丁之能識字者則有賞於是俄甲荷夫之輩均於俄武錄間昔年俄國之兵每百名中識字不過一名居

於城中之工匠能辨之無者亦復寥寥無幾大抵有財之家始令其子弟讀書耳愛烈珊德皇在位之時各報館恒言民不能識字謀生之計因之而拙實可憐憫有識者亦皆以爲然於是各州縣及大市鎮始有民間書塾乃行之未久又有人言凡游於鄉校者多議執政之短長官場中人聞而深惡之旋即嚴申立塾之禁若夫教會者本司教化民人之責者也故凡教會中之書塾不在禁例民間之欲識字者多改就焉國家知之因設一法俾神甫精通翰墨冀其轉以教民然又有可惜者俄廷限禁教會之法至愚極拙實不適於時宜凡學作神甫之人只令其勤讀道經概不許閱視日報其所謂道經者即希臘教留傳之古本也若有論及時事之新書亦不許私自誦習推原其故蓋謂教會每有議論國事之弊今使之潛心於古訓即無從注意於世情也吁虐矣之

教者一名希臘一名東天主教東西天主教之教規大不相同西天主教凡充神甫者不許娶妻生子異釋教無異東天主教則謂尚未娶妻者不准充神甫已娶而妻先死者亦不准充神甫乃又不准其續娶故業已充神甫之族夫即令入第清修名之曰修士終其身不許出廟

○考俄國教化農人
之事至今並無良法教會中之所教者類多淺近而鄙陋儼然爲司教之神甫其才識之高出於農夫者責屬有限而且不明事理沈湎於酒凡種種惡習亦與農夫一鼻孔出氣故雖名爲司經實則既無學塾之名亦無師生之分誠不知其何以爲教矣

農夫所居之村莊大都支木爲棚絕無磚瓦一家中人僅有一大棚每至日暮任意席地而卧父子兄弟姑媳姑娣初無間架以爲區別俄之北境地氣又極寒冷日食諸多不便地中之所莖者亦無精整之品夫入至食用不敷豈有閒情以耽誦讀其下愚不移也勢也隨夫既釋之後田主即無禁禁買之禁無責打之事但若有不合富室之意者可由

富室交合村人公議其非尙謂某甲某乙實應以鞭撻從事則卽俯首
忍受無可逃避村莊之人見一方中有一富戶依然尊而敬之一若恐
其再有大權以壓己也者殊可憐憫惟其大可取者則在勇於公戰怯
於私鬪國家若驅令入伍以禦敵多能奮不顧身大苦旣所慣受大難
亦所不避其膽量之人如此若其在家也則鬼狐之屬偶有傳聞已相
率抱頭鼠竄豈敢好勇鬪狠以與人爭競哉○俄羅斯之使人畏者在
於地廣而民衆倘使其民益之以學問則以聰明濟其才力尤爲可畏
然即使未嘗學問他國欲往攻之其內地之民皆能自爲防守斷難覆
滅其國倘俄國欲用兵於外東方諸國胥不能敵所當引以爲憂俄荷
欲肆其西封則西方諸國之畏之者絕少也○俄國之幅員北至北冰
洋南訖地中海東暨太平洋西亦幾及於大西洋統計徧地球之陸地

爲俄所管轄者直古七分之一與之爲鄰者能無顧而忌之哉俄皇雖居彼得羅堡欲與西方諸國相聯絡然自其都城之東言之尙有華程二萬一千餘里也○俄之民人一百四兆丁口均散處於華程九千萬方里之中其大於歐羅巴全洲之地者直有兩倍或謂此一百四兆之民人若能團聚之於一處其強尤不可思議○歐洲君主之國惟俄羅斯實一成而不知變一百四兆之民人如俄之一家悉聽家主之指揮不敢妄動俄皇之權勢無論定律無論命官無論立教旁人無敢干預總之俄皇之意見即成俄國之法律衆人無不當恪遵之或有別派新官遷調舊官亦皆由俄皇爲政不必商之於他人皇之私財不能確知其數大約每年可得英金二百五十萬鎊俄皇倘偶然失檢或仗其勢力或見識不到致有過誤之舉受其害者不論貧富貴賤皆視如天災

之流行非人力所能強遏。俄皇一日諫世一切權勢及其歲入之款盡歸其子之繼位而為皇者。

俄皇之威權足令人聞而生畏者養兵多也。一千八百七十一年同治十年俄皇又采普國之軍制下令於國中云凡俄羅斯人無一非俄羅斯兵。男子年二十一歲至二十七歲必令入伍當兵。六年期滿再充預備兵。九年然後得以自便。故其承平之世有兵七十五萬名。有事之時可增至二百二十五萬名。此大軍也。又有馬兵十四萬名。名曰可殺克計可殺克十四萬人無事之日擇地耕種並不納賦亦無田租。田中之所入皆歸自養。若俄皇命之出征亦不需給以餉銀。

俄國之廉於軍餉者每年多至英金四千萬鎊。約合華銀一百六十兆兩廉於學校者不過三百萬鎊。約合華銀十二兆兩是不及十分之一也。國中支官之俸亦年

費英金三百萬鎊教會中一年教化所需則僅費英金一百七十五萬鎊約合銀七兆兩其國家雜費所需年共英金一百四十五兆鎊核其歲入之款大致已可敷用雖此近來六十年中揭借國債甚多然欲先期籌還亦無不可統計國債之數當未與歐洲交戰以前已負英金三百六十兆鎊及與土耳其交戰之役約費英金一百三十兆鎊若使俄國圓法復其舊制則有大不止於是者其國債中國家所出空鈔票甚巨圓法既改此項鈔票已不消其開列之數商賈當行使之時必須加以折扣貿易即大有窒礙商途既礙若使國家再填新鈔票以當國債必無樂於承受之人至欲求彌補之法則民間所納之糧賦業已繁重不可言萬不能再加剝削俄羅斯之地雖甚廣大但多屬官荒未經開墾其有昔年本可徵糧之地今亦漸成荒廢者而其徧國之官吏又皆以私

肥爲得計於是上下皆貧而中則飽矣○每年出口之貨共值英金八千五百萬鎊以麥葛麻及木植爲大宗入口貨價多於出口大半皆西國織造諸物然較之歐洲他國通商之數實覺其細已甚

俄羅斯之地中蘊有無窮之物乃至今尚未動用其略見端倪者則採煤之地其廣袤已不讓於英之本境及考其每年掘得之煤不過英確三百八十萬墩古英國五十分之一耳俄地中亦有多金而取金之法太拙假使得有新法則俄之加富於今者誠不知其幾倍也其可耕之沃壤亦甚寬廣而耕種之法亦苦其太拙至其買地之法不准有一人爲之主欲其別籌善策殊難冀至總之俄羅斯必將大興於異日特欲去其古拙之法以振其興則決非期月三年可期集事也

俄之鐵路俄皇已竭力以開之矣然猶未也雖長至華程四萬八千里

共值英金二百兆鎊然工程既不見佳管理亦未合法而況俄國之地
大莫與京僅此區區殊覺渺乎其小以英國而論每華程七十方里中
卽有鐵路合華程三長里又以美國而論每華程四百方里中亦有鐵
路合華程三長里若夫俄國則須華程一千二百方里中始有華程三
長里之鐵路於事誠何所濟故俄國中有無數膏腴之地所蓄上等之
麥幾致無人向購其價之賤不止斗米三錢徒以無路之故不能出海
亦不能運至大市集任其霉爛於田野之中豈不可惜所幸者俄廷已
有展築鐵路之意如加敦河之畔富有煤礦遂議築鐵路入山以運煤
又有鐵路一道欲往東開至西伯利亞恰克圖黑龍江一帶又有一道
欲開至亞洲中境之博卡喇一帶但欲開此大工程必俟俄人能取信
於人借集鉅款然後始可藉手也

按西伯利亞大鐵路年來已漸次展築俄之興基於是矣○俄羅正開

開新疆其大無比然未獲其利而反須籌款以養之其治波瀾也在裏
海黑海之間地名考靠司又治亞洲中境每年均虧累不鮮吾知自此
而後俄人若再有開疆拓土之心必不肯蹈猶獲石田之覆轍矣又考
俄英二國皆有極大之屬地皆不得已而佔之仔肩日重大約此二國
者各不願再加重擔以壓其肩矣英國總理印度大臣福爾遜爵士云本爵
觀俄國之意非欲再開南境直至印度以
佔人之地也但業已據而有之地必應設法保護遂
有不得已而漸佔人地之舉與我英之用心將無同

俄羅斯已合散處之游牧人不計其數教之耕種教之工作化而爲國
中有用之民於是若輩皆聚族而居視俄國之皇爲共主惜其所教化
之者殊未深也俄國之自教其民也但就其所已知已能者而教之本
未能造乎其極但受其教者則已爲良民矣俄人每至一地隸入版圖
卽申買奴畜婢之禁至其所執之法未免天嚴時或流於暴虐其意以

爲非此不足以治民也且易一法而恐民之不服也然舉其大綱則凡
經俄羅斯管轄之民無有不戰勝於前者

按敵都濱臨卜勒博海
而譯書者或作波羅的